

宋

會

要

全唐文

宋會要 守陵

乾德四年詔曰歷代帝王或功濟生民或道光史載垂
於祀典厥惟舊章兵興以來日不暇給有司廢職因循
曠墜或廟貌攸設牲牷罔薦或陵寢雖存樵薪蘇靡
禁仄席興念茲用惕然其太昊葬宛丘陳州女媧葬東南在城縣
州炎帝葬長沙潭州黃帝葬橋山坊州顓頊葬臨河縣高辛葬陽
神城面唐堯林在鄆州虞舜葬九疑山夏禹葬會稽成
湯葬汾陰在周文王武王並葬京兆漢高祖陵後漢世
祖原陵在河南唐高祖獻陵在耀州太宗昭陵在京兆
陵十六帝各給守陵五戶蠲其他役長吏春秋奉祀他

處有祠廟者亦如祭享商中宗太戊葬大邑高宗武

丁華葬陳州西周成王並葬京兆漢文帝霸陵在京

東宣帝杜陵在京兆魏太祖高平陵在相晉武帝陵在陽

河南洛陽後周太祖武平陵在雍州隋高祖扶風縣在鳳翔

十帝各給二戶歲一饗秦始皇帝昭應縣在京北漢景帝陵在陽

陽在京北咸武帝茂陵在京西平縣後漢明帝顯節陵在河南章

帝洛陽縣在河南魏文帝州首陽陵在王後魏孝文帝在長

州富平唐玄宗蒲城縣在同州肅宗建陵在京憲宗在景陵

州蒲城宣宗正陽縣在耀州梁太祖宣陵在河南後唐莊

宗新豐陵在河南明宗洛陽縣在河南晉高祖顯陵在河南

十五帝各給二戶三年一祭周桓王葬河南北靈王葬河

哀

南	亭	元	成	洛	陽	東	貴	南	孝	平	西	東	北	武
城	西	帝	京	陽	陽	南	鄉	縣	靖	北	北	北	北	宗
周	渭	兆	北	陵	東	縣	公	東	帝	縣	縣	縣	縣	宗
山	陵	或	後	河	北	禪	縣	懷	西	楊	蒲	光	蒲	端
上	石	陽	漢	順	故	陵	河	帝	相	城	城	陵	城	原
柏	京	縣	和	帝	洛	在	南	愍	水	縣	縣	在	在	縣
景	成	帝	帝	帝	鹿	懷	洛	帝	北	同	同	同	同	東
王	帝	帝	帝	帝	州	州	陽	平	縣	州	州	州	州	州
縣	縣	縣	縣	縣	城	城	晉	陽	唐	北	北	北	北	州
大	延	北	洛	洛	西	西	州	縣	高	州	州	州	州	富
倉	陵	咸	陽	陽	武	武	留	西	宗	崇	崇	崇	崇	平
中	在	京	南	南	魏	魏	王	魏	奉	陵	陵	陵	陵	縣
洛	威	成	殤	帝	明	明	帝	文	天	縣	縣	縣	縣	西
陽	烈	帝	帝	帝	帝	帝	帝	帝	陵	西	西	西	西	北
王	王	帝	帝	帝	帝	帝	帝	帝	乾	北	北	北	北	州
城	城	北	康	康	平	平	晉	富	陵	州	州	州	州	北
中	中	義	陵	陵	陵	陵	惠	早	中	州	州	州	州	州
西	西	成	在	在	在	在	帝	縣	宗	順	順	順	順	州
北	北	陽	陽	陽	陽	陽	太	東	宗	宗	宗	宗	宗	州
城	城	平	平	平	平	平	陽	東	宗	宗	宗	宗	宗	州
陽	陽	帝	帝	帝	帝	帝	洛	魏	宗	宗	宗	宗	宗	縣
漢	漢	陵	陵	陵	陵	陵	陽	魏	宗	宗	宗	宗	宗	縣

東昭宗

和陵在河南縣

梁少帝

葬河南伊闕縣

後唐末帝

葬河南洛陽縣東北

已上三十八帝陵常禁樵採著于甲令其後又詔曾經

開掘者重製禮衣常服棺槨重葬焉東晉以降六朝陵

寢多在全陵丹陽之間皆可考識制書不載者當時江

左未平耳熙寧元年七月知濮州韓絳言堯陵在本

州雷澤縣東穀林山陵南有堯母慶都靈臺廟請敕本

州春秋致祭置守陵戶免其租俾奉灑掃詔給守陵五

戶三年六月九日鄭州言准詔修葺嵩陵殿宇緣材

植闕乏乞於元數內量行裁損詔依元制修葺四年

四月二十五日詔周嵩慶懿三陵柏子戶止留七戶放

歸農十年二月十四日權御史中丞鄧潤甫言訪聞

有興利之臣議將前代帝王陵寢許民請射耕墾而司
農開可之緣此唐之諸陵悉見芟刈國家熙寧令勅前
代帝王陵寢並禁樵採遇郊祀則勅吏致祭其德意可
謂遠矣小人培克不顧大體使其所得不訾猶不可為
況其所獲至淺鮮者哉欲乞下所屬州縣依舊禁止樵
採耕墾其創議之人亦乞根究繼責詔唐朝諸陵除依
條立定禁止頃畝外人戶見佃地土許依元請射數住
佃仍便充守陵戶其未請佃地土更不許請射及侵耕
仰州縣常切覺察元豐六年正月十九日戶部言永
興軍提舉司奏本路自漢以來帝王陵廟多有損闕乞
將諸陵下閑地收歲入租課令州縣專掌遇陵廟屋宇

隳弊許以其錢修葺仍以一路通融支費從之 建炎
四年減栢子戶安陵永昌永熙各留四戶永定五十戶
會聖宮十戶

宋會要 脩法

開寶三年九月六日河南府京兆鳳翔府耀州上言先
准詔檢校歷代帝王陵寢內周文王成王康王秦始皇
漢高祖文帝景帝武帝元帝成帝哀帝後魏孝文帝西
魏文帝周太祖文帝唐高祖太宗中宗肅宗代宗德宗
順宗文宗武宗宣宗懿宗僖宗昭宗二十八陵曾經開
發詔每帝製造禮衣一幅帝服一襲具棺槨重葬仍令
逐處長吏嚴潔致祭其禮衣令太常禮院檢討逐朝制

度下少府監修製當用金寶以假者代之製成日進呈
後給付并下太常禮院各定儀注以聞禮院請給通天
冠絳紗袍詔少府監製造四年二月二十八日詔先
代帝王陵寢曾經開發者已令重葬所役丁夫恐妨農
務宜以廩軍一千人代之三月詔先代帝王陵寢修砌
廟宇太昊陳州炎帝衛州黃帝坊州高陽禮州高辛宋州唐堯鄆州虞
舜道州女媧晉州商成湯河府周文王武王漢高祖並京府後
漢世祖京西唐高祖耀州十四帝各置守陵廟七戶商中宗
帝大戊大府高宗帝武丁陳州周成王康王漢文帝宣帝
並京府西晉武帝京西後周太祖文帝耀州隋高祖文帝鳳翔府
秦始皇帝漢景帝並京北府後漢明帝章帝魏文帝並京西後

魏孝文帝

耀州

唐太宗肅宗

並京兆府

明皇

州憲宗

同

宣宗

州

後唐莊宗明宗石晉高祖

並西京

二十四帝各置守陵廟

五戶令逐州檢校掃洒無得損污歲添植林木本縣尉

銓轄或有損漏晝時修補得替批書曆子

真宗咸平

元年十一月九日詔歷代帝王陵廟有隱損處所在計

度修葺

葺

十二月十五日詔太祖廟所修歷代帝王陵廟

常令修葺

二年十一月七日郊祀赦書五嶽四瀆名

山大川及歷代聖帝明王忠臣烈士載於祀典者要所

在精潔致祭近祠廟陵寢處並禁樵採如祠廟損壞長

吏躬親點檢以係省錢修飾州縣檢校

自後東封西

祀聖祖降恭謝天書禘祫享明堂立皇太子皇帝即位

敕文並用此制 三年六月造內殿崇班袁守恩往保
州奉順祖惠元皇帝惠明皇后簡穆皇后神柩於西京
白馬寺選年奉葬歲時遣官饗奠六年太常議順祖康
陵翼祖定陵比安陵減省景德二年詔從中書門下樞
密院所言令藍繼宗罷修遂以一品禮葬為二位 景
德元年十月二日詔應前代帝王陵寢及名臣賢士義
夫節婦墳隴並禁樵採如有摧毀官為修築無主墳墓
碑碣石獸之類敢有壞者論如律乃每歲之首所在舉
行此詔 大中祥符四年七月二日詔歷代帝王陵寢
申禁樵採犯者所在官司並論其罪 五年八月二日
詔河中府周朝墓冠劍處委本府修築禁其樵採仍令

翰林學士李宗諤撰記刊石 嘉祐八年十二月十二
日仁宗神主祔廟德音兩京前代帝王陵寢及忠臣烈
士墳域載圖經者有壞速以條省前修葺無令侵占耕
墾所禁樵採地分 治平四年九月英宗神主祔廟德
音亦同 建炎元年五月一日赦應永安軍祖宗陵寢
西京應天禪院會聖宮影殿西墳可差西京留守及臺
官一員日下前去躬親省視如合修奉去處一面措置
仍密具奏聞南墳委汝州守臣依此又詔河南府鎮撫
使翟興國結本處義兵保護祖宗陵寢

宋會要

禮儀

大中祥符六年六月十四日河南府言盜發漢唐陵詔

府縣官吏巡檢使臣並劾其罪仍以所盜物計其直修
設齋醮別造衣冠盟器安奠命內侍主其事仍遣知制
誥劉筠詣陵祭告因下詔曰眷惟前代崇建寢園凡在
部封宜增嚴衛矧屢頒於條詔俾申禁於樵蘇尚或因
循致茲侵暴特加告諭用示軫懷應京東京西河東陝
西淮南江南兩浙荆湖南北路有歷代帝王陵寢之處
依景德元年勅禁止樵採不得侵耕發掘違者收捕嚴
斷

宋會要拜掃

真宗景德四年二月四日車駕朝陵駐蹕西京詔隨駕文武臣僚有先塋在洛者賜告祭拜其掌事有二員者令更代而往大中祥符四年三月十六日車駕幸汾陰迴駐蹕西京詔文武百官有先塋在近者並給假拜掃六年四月十七日侍御史知雜段燁言羣臣外任官滿多以焚黃省親為名奏牘不待報而去有累月不赴朝請者望行條約詔自今請半月者聽行半月以上奏裁

仁宗慶曆五年三月四日權御史中丞王拱辰言昨經郊祀蒙恩贈先臣姚官封今遇寒節欲暫乞假至尉氏縣焚黃洒掃節假中却回暫帶本臺人從隨行從之

皇祐三年九月二十日翰林學士兼端明殿學士翰林侍讀學士李淑言亡父先臣若谷墳在河南維氏縣今緣孟冬在前欲乞假彼祭掃從之英宗治平二年二月二十九日天章閣待制司馬光言父母墳墓在陝州夏縣久不展省欲乞給假拜掃及焚黃從之徽宗建中靖國元年二月二十六日資政殿大學士提舉中太一宮兼集禧觀公事黃履給假暫歸郡武軍展省墳墓詔令差護卒百人逐州交替高宗紹興九年三月二日光山軍承宣使樞密副都丞旨充金國報謝副使錢恂言先臣墳墓在鎮江府丹徒縣去城不遠欲望許候使回日就便前去展省從之二十五年二月六日少傅觀文

殿大學士充萬觀使兼侍讀提舉祕書省嘉國公秦禧
言自蒙擢用以來未曾展省祖塋兼臣父有累次封贈
三代告未經焚黃即目未是開講日分於職事別無相
妨望給假量帶人從前去詔依令兩浙江東轉運司往
來應副 孝宗乾道三年閏七月十一日持服夏執中
言安恭皇右掩攢已畢每遇十月旦并寒食節乞躬率
弟姪并本家內外異姓親屬官命婦等詣攢殿燒香已
後節序及因事經過亦乞徑報宮陵所入詣燒香庶伸
時思追慕之誠從之淳熙七年三月二十二日皇子魏
王府承受鄧從義言得旨魏王靈輓就紹興府攢厝將
來如遇本府詣攢所燒香合用人輜船隻般擔人夫及

應辦物色等乞令臨安府并紹興府差撥應辦往回從
之紹熙二年九月十七日詔韋珪每遇忌辰四時令節
歸家拜掃禮畢歸任今後寒食至節令歸拜掃不得過
五日以宰執呈韋璞自是難同處恐韋珪以時節拜掃為名要
歸本家故
有是命

金唐文

宋會要

卷之四 郊祀

遣官朝拜諸陵國朝之制每歲春秋仲月擇日遣太常

宗正卿朝拜祖宗及后陵先齋三日牲用少牢一獻初

安陵以太服本品祭服唐禮具本品鹵奉御書祝版逐

陵復上起居表其儀祭日質明禮生引奉禮先升奉幣

次卿詣褥位解劍脫履升捧幣跪奠訖再拜降復位次

詣壘洗訖升詣神座前執爵奠酒俛伏興俟太祝讀文

訖再拜降階佩劍納履位禮生拜在位皆再拜詣焚版

幣位東向俟焚火畢退次詣諸陵奉行皆如儀後以卿

闕分遣宗正寺太常禮官常參官行事太祖建隆二年

八月六日以昭憲皇太后在殯權罷朝拜乾德三年九月二十一日命內人詣鞏縣安陵薦寒衣遂為定式是日朝拜安陵永昌陵有司止設酒脯香及芟除芥以未明行事不設燎燭又先永昌陵而後安陵又帝后二位不徧拜尤為闕禮望下有司討論典禮以立永制六月二十日太常禮院言準詔檢討公卿朝陵儀注並不載祭器禮例祝版明文今除檢到開寶禮公卿行諸陵儀注外皇帝拜陵即設太牢之饌宗正行諸陵並無牲牢之饌今請於太廟薦饗禮例中量事裁減除不設甑釧牙盤食及太常登歌及太牢依近例以羊豕代外餘悉如

之祝文令學士修撰幄幕牀榻並令河南府供給朝拜
日有司預於南百步道東設次具剪除利器以備灑掃
設宗正卿拜位於北門外之左西嚮又設陵官位於卿
之東南執事官又於其南俱西嚮北上設器禮例酒饌
於北門內宗正卿以下各就位再拜盥手奠酒讀祝冊
再拜安陵奠兩爵諸陵止一爵其應灑掃芟除隨事處
分先赴安陵次永昌孝明孝惠懿淑德皇后陵又按唐
會要每陵支輅兩乘送之陵所以卿出城日如常儀巡
謁陵寢率皆乘輅今朝拜皆攝宗正卿合用三品鹵簿
如具車輅巡謁即請用本品朝服祭服行事詔從之惟
不設儀仗以公服行事真宗景德三年五月八日知制

詔周起言昨差諸陵奏告竊見祭器腐壞欲乞據典禮
別造送陵司以備薦享陳獻者擇方位埋瘞貴免棄瀆
詔太常禮院施行禮院言雍熙二年敕每陵設蓮豆各
十二簋簋各四樽坩罍洗篚罍巾杓酒爵及祭器牙盤
各一乞下少府監製造供應從之二十一日詔應臣僚
詣陵朝拜者並於闕庭前下馬候門開入宮朝拜九月
二十五日詔諸陵置朝拜行事官齋告四年九月二日
詔如聞諸陵使副常遣人出入兆域芟雜草木神道貴
靜甚非便也自今令遵典故每歲春秋二仲巡陵春除
枯朽秋芟繁蕪自餘非時雜剪罷之老大中祥符三年三
月二十三日駙馬都尉李遵勗請朝拜諸陵從之四年

六月二十一日太常禮院上春秋二仲遣官朝拜諸陵儀注始令前三日致齋前一日省牲習儀以祭服行事九月十四日詔臣僚朝陵所供猪羊預於西京置辦令宗正寺職掌供應自京給法酒四斗隨祝匣齋往務令精潔十月十八日詔寒食初冬宮人上陵在路所須之物皆預定數蓋防擾民如聞柴屋諸宮歲遣人省墳所厯州縣過有須索可切戒之五年九月二十四日權判宗正寺趙可封言朝拜諸陵西京所供禮料有虧嚴潔自今望令本府官逐色印封送祠所又宗正卿太祝奉禮祭服皆少府監旋齋往望以三副給陵臺令收掌至時就供從之六年十二月十七日權判宗正寺趙世長

言朝拜十二陵西京供香麝悉自今望於內侍省請降
真香遣吏齎送供應從之七年三月二日權判宗正寺
趙可封言朝拜諸陵點餼後宰牲餼食分送十二陵本
縣遣貧下戶以竹擔籠分貯甚非嚴潔自今望永安縣
置黑漆食櫃十二及鎖鑰逐陵委守陵使臣封鎖陳設
其昇櫃人以奉先兵士從之八年十月十三日詔每年
寒食首冬內人及諸宮院遣人赴永熙陵汝州諸墳洒
掃薦寒衣逐驛供給頗擾宜令入內侍省及諸宮院
具所差人數合破料例逐項所供報樞密院並令自京
用車乘齎所費物隨行供給不得更令逐處供備十一
月十四日宗正卿趙安仁言每歲遣宗正寺官一員致

抬作檯下同
昇易昇下同

齋三日具冠劍祭服朝十二陵依次行禮往復百餘里
諸司奔走祇應多致疲乏欲望自今令攝宗正卿一員
詣永安永昌永熙三陵行禮別命官二員分拜諸陵庶
盡恭恪又皇帝表三通及御名祝版盛以漆匣令驛遞
卒抬昇未合禮典請別制長竿檐林二付以代漆匣遣
寬衣軍士三十二人分番昇送陵下並從之九年二月
三日宗正寺言陵廟行禮闕官應奉宰臣王旦言按令
文宗正卿一員少卿丞各二員主簿一員今除趙安仁
兼卿趙世長權判寺外合添差四員請於京朝官中選
宗姓者充從之十日詔如聞寒食初冬內人宮院詣永
熙陵洒掃祭奠驛舍供給頗至煩擾自今不得更然違

者坐之八月九日中書門下言仲秋差官朝拜諸陵朝
臣少宗姓者京官雖有近陳仲易言以官輕不可任事
欲且差知雜侍御史趙積帝曰知雜御史出外與府縣
官相見官儀甚盛非便乃遣以次官天禧二年七月宗
正寺言仲秋遣官朝陵先準敕差給舍已上重其祀事
承前曾差侍御史趙湘今來趙朝在寺並無朝官止有
京官趙武詔武攝宗正丞行事四年四月二日翰林學
士錢維演上言伏以春秋朝陵載於舊式公卿親往蓋
表至恭歷代以來國章謹按唐顯慶五年詔以每年二
時太常少卿分朝諸陵事重人輕威儀有闕乃詔三公
行事太常為副仍用鹵簿及天寶以後雖罷鹵簿亦詔

巡謁諸陵差三公一人蓋取朝廷大臣不必須同國姓
後唐參用太常宗正卿晉開運中亦命吏部侍郎李詳
其例甚多竊覩近年以來止於宗正寺差主判官人輕
官卑實虧舊制伏望自今命尚書丞郎及諸司三品或
遇闕官則命兩省給舍所冀副陛下至孝之心成國朝
稽古之制詔太常禮院詳定以聞禮院言歷代行陵累
有沿革先期制禮自著明文謹按開寶通禮云舊禮三
公行諸陵太常卿為副今相承命太常宗正卿不遣三
公竊詳近制允叶通規斯謂不刊詎可輕議又大中祥
符八年十一月敕自今三陵令攝宗正卿一員行禮外
別差官二員分拜諸陵請自今三陵依開寶通禮差太

常宗正卿行禮如闕其人則命尚書省五品以上或太
卿監攝事其分拜諸陵官二員命郎中以上或清望官
從之仁宗天聖六年十一月九日詔永安知縣監押及
使臣簿尉等每月朔望朝陵常五鼓離縣辰時方迴本
縣有倉庫駐泊兵慮失防護自今止令知縣監押一員
朝拜七年七月詔太常禮院自今朝拜諸陵御香祝版
委差去官鈐轄職掌人躬親管押沿路嚴潔安置無令
擡擎人瀆慢明道二年五月八日詔每年寒食遣皇族
正刺史已上一員朝拜諸陵景祐元年九月七日詔初
冬諸陵舊遣內人往彼今後依寒食例亦令皇族正刺
史已上一員朝拜十一月二十五日職方員外郎張保

之言今後祭告諸陵官請借奉先兵士當直香合乞同
祝版撰前去及修葺齋宮詔當直兵士七人齋宮破有
錢修葺餘依奏五年九月一日臣僚上言春秋朝陵香
合祝版差天武官擡擎例各羸老今後差近上軍分少
壯兵士借儀注衣服又永昌永熙陵十二位添猪羊各
一詔香合祝版差遞鋪擡擎宗正寺職掌請領儀注衣
服管押陵所與擡擎兵士裝着至永安交割與奉先兵
士餘依奏慶曆二年閏九月十二日詔今後諸陵通遣
宗室選郡刺史以上朝拜三年又詔寒節初冬差內諸
司使副一人三年一次遇寒節或初冬乃令內人往皇
祐三年六月九日詔春秋朝陵遣宗正寺官一員往仍

省視禮料察行事之違失者其擡擎祝版遶鋪兵士令請儀仗衣帽候至陵所一鋪裝着毋致瀆慢至和元年七月二十四日詔自今遣官朝拜安陵昭憲皇后如四陵之制設祝版幣帛及御封香其牲牢則依太廟同室之禮先是朝拜儀諸陵止奠一爵而安陵奠兩爵兩贊再拜但祭饌不兼設而言者乃云昭憲皇后以合葬永安陵不及時祭故下是詔嘉祐三年五月二十六日屯田員外郎王覺言歲時差官朝饗先務遊宴然後行禮不至齋肅乞差官赴陵寢預行誠勵詔太常禮院今後每遇差官往復先行誠勵不得先務遊樂務要端肅四年二月五日詔今後皇親朝拜諸陵不得遊宴為樂所

縣不得差樂人迎候八年

英宗即位未改元

七月五日詔停八

月朝拜諸陵如乾興故事以仁宗山陵逼近故也英宗

治平元年二月二十七日同判大宗正事安國公從吉

言準詔朝拜永昭諸陵乞許男世端隨行從之

已上國朝會典

神宗治平四年

即位未改元

十一月二十五日詔今後文臣

大兩省武臣閣門使已上經過陵下並許朝拜熙寧三

年正月二十一日駙馬都尉王誨言寒食節乞詣永安

縣朝拜祖宗諸陵從之仍令張敦禮同往九年五月九

日詔自今諸陵朝拜官每歲一次於宗正寺太常禮院

官內輪差一員充仍令因便點檢諸陵器物及應不如

法事施行十四日同知太常禮院林希言伏見故事遣

官朝拜諸陵宣祖太祖太宗三陵共遣官一員真宗及
章獻章懿章惠三后陵共遣官一員並以太常宗正卿
充孝明皇后已下九陵別遣郎中或清望官二員分拜
太常宗正卿或闕即以尙書省四品兩省五品以上或
卿監又闕即差以次官仁宗時獨永定陵輪差宗正寺
及太常禮院官一員春秋朝享仍令點檢祠事以陵臺
令陪位若非時祭告即止差朝臣自永昭永厚二陵復
土之後審官院依諸陵例增差朝臣二員而已又凡陵
宮陳設執事之人並隸宗正寺及太常寺禮院逐時所
差朝臣暫令統攝例多情慢諸陵祭器祭服多已損敝
因循久不脩繕臣以謂方今永厚陵宜如先朝奉永定

陵故事輪差宗正寺及太常禮院官遍至諸陵點閱祠
事有不如法按舉施行行事日仍以陵臺令陪位若遇
非時祭告則自如舊例差朝臣以往從之元豐三年閏
九月十一日命雍王顥十月朔朝拜慈聖光獻皇太后
山陵五年六月十八日詔自今臣僚朝拜諸陵除見任
前任執政官許進湯餘止奠獻薦新不特拜六年二月
十六日詔朝拜諸陵自今各差官太常寺輪長貳餘以
宗室遙郡防禦使輪充以太常博士何洵直言熙寧祀
儀三陵共差朝拜官一員分拜非是故也五月七日詔
內人朝陵諸陵使臣毋得差使樂迎著西京令徽宗政
和六年六月二十九日中書舍人宇文黃中言奉勅為皇

太子納妃遣臣奏告永裕等陵因朝謁永裕陵體問得
本陵隄堰正在玉案覆金山北每遇有大雨山川水奔
注隄下須藉命官部轄兵級日夜護固今夏秋之交霖
潦不時本陵封地闊遠雖有巡檢終慮照管不前欲望
聖慈下總轄司契勘若未差官乞早令差往限日催促
赴任伏乞特降睿旨施行從之宣和五年六月二十日
臣僚言竊見朝廷每有慶事差侍從官奏告祖宗諸陵
其間有重疊被差有終身不一到者欲乞今後初除從
官未曾經差過事輪差一次使擢登從列之人得徧詣
陵下以展朝謁之禮因以瞻仰山川形勢之勝實臣子
之願幸也從之

已上續國朝會要

高宗建炎元年五月一日赦

應永安軍祖宗陵寢西京應天禪院會聖宮影殿西墳
可差京留守及臺臣一員日下前去躬親省視如有合
修奉去處一面措置仍密具奏聞南墳委汝州守臣依
此三日詔廊延路副總管劉光世充省視陵寢使八日
詔河南府鎮撫使翟興團結本處義兵保護祖宗陵寢
十二月三十日太常寺行司言依令太宗正司差宗室
遙郡團練使以上薦獻諸陵近以闕官被旨就差諸陵
官行禮所有來年仲春薦獻諸陵乞依上件體例其合
用香表令學士院入內內侍省預先取降付東京太常
寺差人賫付諸陵徙之時巡幸維揚故也四年六月十
一日詔令禮部給降度牒一百道充祭告諸陵禮料使

用令河南府鎮撫使翟興差來人同表文附帶前去表
文曰自頃風塵弗靜九廟播遷道路多虞兩京隔闊乃
眷宗祧之奉既闕於烝嘗永懷弓劍之藏孰呵於焦牧
載省艱難之責徒深祇栗之懷惟人么厭兵庶天將悔
禍保貽謀之業期終返於京都成復古之功冀克隆於
世紀威靈如在瞻慕敢忘七月二十一日詔樞密院准
備差使程實賁御香祝版詣祖宗諸陵致祭紹興元年
六月二十九日太常寺言檢會國朝會要明德皇后故
事掩攢前一日皇帝詣攢宮行朝拜之禮自京城至攢
宮地步不遠今昭慈獻烈皇太后掩攢宮在越州會稽
縣緣道路相去遙遠兼涉舟楫若車駕親詣即一日之

內難以往回參酌欲依四孟朝獻禮例差宰執一員前
一日赴攢宮泰寧寺宿齋至日行朝拜之禮詔命同知
樞密院李回行禮入內內侍省取降御封香一合學士
院撰寫表文一通述以昭慈獻烈皇后掩攢遣官朝拜
之意越州差太祝一員以文臣有出身人充攢宮都監
依禮例許令陪位供養牙盤食酒菓一位大祥亦同此
儀命開府儀同三司醴泉觀使信安郡王孟忠厚行禮
九月十四日起居郎陳與義言陛下躬履艱運駐蹕東
南列聖陵邑遠在洛師顧瞻山川未得時省雖欲遣使
道路不通聖懷惟日憤慨近聞道路少通差易前日願
詔執事每半年擇遣使臣兩員往省諸陵詔令樞密院

每半年差使臣兩員前去二年三月十五日知紹興府張守言頃常備位政府今叨領藩符伏覩昭慈獻烈皇后攢宮近在本府界望許至攢宮朝謁從之自是守臣皆從其請三年正月二十四日禮部太常寺言春秋二仲薦獻諸陵乞於行在法惠寺設位望祭行禮從之自是每歲薦獻率循此制五月三日詔令戶部支金一百兩付河南府鎮撫使司幹辦公事任直清附帶前去充祭告永安軍諸陵八月二十二日皇叔祖判太宗正事嗣濮王仲湜言昨權行宗正司令時每季檢察昭慈獻烈皇后攢宮未審合與不合依例前去詔許之舊例命嗣濮王檢察仲湜以初除故申審焉其後並循此例緩

急疾故以次官充代四年九月二十日醴泉觀使信安
郡王孟忠厚請詣紹興府詔慈聖獻皇后攢宮燒香從
之九年正月七日上謂輔臣曰祖宗陵寢久淪偽域今
金國既割還故地便當遣宗室使相與臣僚前去修奉
掃洒尋命同判大宗正士僊兵部侍郎張燾前去河南
府祇謁修奉陵寢六月三日太常丞梁仲敏等言春秋
二仲遣宗室遙郡防禦使薦獻諸陵太常少卿薦獻永
祐陵權宜於行在設位行禮今道路既通望依舊制遣
官前詣詔令西京留守司候仲秋就便選官前詣諸陵
薦獻二十一日上謂輔臣曰祇謁陵寢使士僊張燾回
言諸陵下石澗水自兵興以來涸竭幾十五年二使到

日水即大至父老驚嘆以為中興之祥十一月十二日詔每季一次取降合賁諸陵香表令快行附帶前去西京留守司交割官應焚獻十四年四月二十四日判紹興府信安郡王孟忠厚言詔慈聖獻皇后攢宮已許守臣朝謁所有永祐陵顯肅皇后懿節皇后攢宮未敢一面朝謁詔許今後守臣依此十七年十月十七日侍御史余堯弼言望舉行舊制於春秋二仲遣官詣永祐陵攢宮薦獻兼檢察禁他仍於秋季差監察御史按視以聞從之既而禮官修立儀注前期太常卿奉香表至紹興府於薦獻前三日管押香表置于腰輿贊者分引攢宮獻官乘騎以次從行太常卿後從至攢宮秦寧寺管

押香表禮直官引香表腰輿於堂上贊者引諸獻官於堂上東向立禮直官引太常卿升堂西向立禮直官贊揖在位官躬揖訖直身立次贊者引昭慈聖獻皇后攜宮獻官稍前東向對立管押香表禮直官以表授太常卿太常卿楷笏接表訖各執笏獻官加表於笏上禮直官贊各俛伏興贊者引獻官退省視香表訖復置於腰輿從行至齋所又引以次獻官授香表如上儀二十二年七月二十二日太常寺言仲秋合差太常少卿薦獻永祐陵攢宮并檢察禁地緣本寺止有獨員望依例差官時暫權攝詔就差紹興府大宗正丞馮至游二十九年仲秋以太常博士杜莘老攝二十四年十月二十四

日尚書省言永祐陵昭慈聖獻皇后攢宮四處每歲春秋二仲差太常寺官薦獻檢察孟冬委臺官按察多是隨行人受賂點檢減裂詔令御史臺太常寺預行約束今後因事發覺送大理寺根治二十九年十一月二十七日遣內侍陳思恭齎御香往昭慈聖獻皇后永祐陵攢宮三十年正月二十禮部太常寺言顯仁皇后掩攢祔廟畢合依昭慈聖獻皇后永祐陵攢宮禮例每歲春秋二仲遣官薦獻從之

以上中興會要

孝宗紹興三十二年

即位

未改元

六月十三日赦每季朝陵使命往來合用人夫多

是縣道差使近鄉及公路人戶迎送應辦極為勞敝仰本府條具合寬恤事件聞奏當議施行同日赦勔會昨

降赦文祖宗陵寢令本路招討使同本處官吏躬親朝
謁如法修奉可更切遵依已降赦文務在嚴潔以稱崇
奉之意隆興八年八月二十九日禮部太常寺言準已
降旨依舊制春秋二仲差太常少卿薦獻永祐陵兼檢
察諸陵禁地禮畢遍詣諸陵周視陵域應合掃除焚蕪
修治隨事處分所有安穆皇后攢宮乞薦獻回日詣宮朝拜其合行
事件乞照例報所屬排辦從之自後每歲
率以為例

改下陵

宋會要

太祖乾德元年十二月二十三日詔改下安陵命樞密承旨內客省使王仁瞻為按行使仁瞻與司天監趙修已言得河南府鞏縣西南四十里訾鄉鄧村地吉從之

命左衛大將軍王繼濤衣庫使李光奉總領修奉山陵供奉修奉勾當修奉上下宮高品劉仁鑑監修製儀
二年正月七日以宰臣范質為改下安陵使翰林學士竇儀為禮儀使吏部尚書張昭為園簿使御使

中丞劉溫叟為儀仗使皇弟開封尹太宗為橋道頓遞使後質罷相命開封尹代兼轄五使公事昭致仕以樞

密直學士薛居正代 十一日有司請新陵皇堂下深五十七尺高三十九尺陵臺三層正方下層每面長九

十尺南神門至乳臺乳臺至鵠臺皆九十五步乳臺高二十五尺鵠臺增四尺神牆高九尺五寸周回四百六十步各置神門角闕吉伏用大駕國簿山伏用大升輿龍輜爲尊蠶硯車香輿銘旌哀謚冊寶車方相買道車白懷車白懷弩素信幡錢山輿黃白紙帳暖帳夏帳十味臺盤衣輿拂蠶明器輿漆梓宮夷衾儀樽素翼包牲倉瓶五穀輿笈甌辟惡車進黃堂有鐵帳覆梓宮籍以樓櫓褥鐵盆鐵山以燃燈宣祖衮冕昭憲皇后花釵輦衣贈玉十二神當壙當野祖明祖思地軸及留陵刻漏等詔內侍與少府監同修製又請令文班官各撰挽歌詞二首從之 十六日少府監請皇堂贈玉鎮圭劍佩

旒冕玉寶並以珉玉藥玉製綬以青錦詔安陵並用于
闕玉孝明孝惠后陵用珉玉藥玉 十八日禮儀使言
按儀禮改葬總注服總者妻為夫臣為君子為父也必
服總者親見尸柩不可以無服總三月而除之又江都
集禮服總既葬而除如不會則不服又開元禮改葬儀
云主人衆主人妻妾女子俱總服餘慕親以下皆素服
又後魏孝明帝改葬文昭皇太后崔光上言請至遵皇
太子羣臣並服總既葬而除今請皇帝服總麻皇親及
文武官護送靈駕者並服總麻既葬而除詔諸親群臣
先為孝明皇后制服者服以會葬 二月四日太常禮
院言改卜陵寢檢尋禮例只有祖奠無虞祭今詳開元

禮凡改葬無祖奠又五禮精義云改葬無祖奠者禮設祖奠本象平日遠行自家人相餞之義今先葬自家祖禮已行從墓之墓則無祖也開封禮凡改葬初下柩於葬所西南設一虞祭五禮精義云改葬行虞祭於墓而除之望依禮文不設奠止於陵所各設一虞祭從之十三日禮儀使言宣祖謚冊寶舊歲太廟昭憲皇太后謚冊寶遷入安陵宣祖冊寶未審入陵與否太常禮院言按晉書武帝禪位之年追謚文帝至太初四年文帝王太后崩將合葬開崇陵太尉司馬望奉祭進大帝璽綬於便房神坐望約此例遷入安陵從之二十日少府監言改卜安陵及凡陪葬者將來改斂其斂衣斂物

有無改作太常禮院言按五禮精義改葬則改斂又云
何佟之問答曰改葬之禮與始葬不異凡筵宜新明器
壞者宜改造其將來斂衣飾物並合改造從之 二十
一日以河南府鞏縣令孔美兼安陵臺令三月二十六
日啟故安陵奉宣祖憲皇太后孝惠皇后梓宮於幄殿

二十七日引發攝太尉開封尹太宗名行遣奠讀哀冊
冊文曰維乾德二年歲次甲子三月丑朔二十六日
乙卯遷座于西京鞏縣南原新卜安陵禮也
因山卜吉園陵移奉於近甸典禮載尊於遠日建昌
而天仗嚴駕至哀號無地乃命輔臣虔遵故事上聖
御名追感情至哀號無地乃命輔臣虔遵故事上聖
之遺德播京大於永世其詞曰西伯湯新豐道德皇受
命自天鍾于武王卜年無疆邁功成湯新豐道德皇受
洋洋化家為國與于高皇飛龍四方烈分實陶唐美焉名
分昭章惟景祚兮延長爰追遵於遺烈兮實陶唐美焉名

堂自發引至是皆廢朝禁京城音樂群臣奉慰真宗
縣吏素服出城奉迎并辭皆哭四月九日安陵掩皇
融閣玄宮而永安兮與震武而隆兮無窮嗚呼哀哉
山有嵩山王氣兮洛陽東宮關雎兮洛陽通土圭
陵兮千古逝矣皇情兮不能已嗚呼哀哉洛陽通土
列而祭儀制皇山兮威禮斷蕭蕭兮野風起指新
隆基惟永懷於聖感兮昌期德不耀於孝思嗚呼
於當分鍾千載之理所推大河連天兮世亦知功
殿後源流兮長兮哉元首禮大不云有開必書所
人聖之信邦國之格于皇天寅我東出大西明啟
失帥分而惠方秋旒而仗其令所部竦而畏太日
志安而盡其義與世名翼贊前朝周旋我事勤盡
剝鯨時哉效武經一敵其國萬前人英交鴻擊鳳
授兵累生知用與世名翼贊前朝周旋我事勤盡
帝以光聖祖炳靈象緯元天至廣逸乎高視兩曜
芳華聖祖炳靈象緯元天至廣逸乎高視兩曜

咸平三年六月五日遣內殿崇班安守恩往保州奉順

祖惠元皇帝惠明皇后簡穆皇后神柩於西京白馬寺

令有司議奉二陵年月國初如上下四祖陵名欽陵康陵

城東南隅及改卜安陵後三陵尚未修舉真宗即位有言順祖翼祖葬保州者始舉是禮十月四

日宗正卿趙安易上言伏覩康定二陵將議修奉司天

選以丙午歲久闕祭饗望下禮官議朝拜之禮及每歲

春秋二仲月遣官詣白馬寺饗奠詔禮院詳定以聞禮

院上言二陵是追尊帝后雖未卜陵寢而神主祔廟已

具四時之薦况禮經無朝拜擯宮之說其歲時遣官饗

奠望依安易所請從之六年二月太常禮院議康定

二陵制度請依改卜安陵例詔比安陵減省制度康陵比安陵

陵減省外皇堂深四十五尺五寸靈臺高三十二尺四面各
 長七十五尺神門外至乳臺四十五步乳臺高一丈五尺
 神門南神門外至乳臺四十五步乳臺高一丈五尺
 臺至鵠臺四十五步鵠臺高一丈五尺
 孝明皇后陵減省亦同此制其石作比安陵減三分之
 一每陵四神門外各設御子二南神門內宮人二文武
 官各二石羊石虎各四石馬
 馬各二并控馬者望柱石二
 景德元年七月二十一
 日手詔曰康陵安陵已經迎奉將修兆域步以園寢之
 事邦國大經開國之初已曾會議尋建陵名尚虛神寢
 而有司抗表屢有所陳目以二陵尚居清苑朕以事關
 宗廟理合審詳周訪羣言皆云有據朕猶存慎重益廣
 詰詢至於命中使以經營委藩侯而訪察繼觀來奏咸
 曰無疑復俾大臣再陳定議遂有迎奉之請用慰追遠
 之誠既觀僉同式稽典禮於是遷之梵剎營此寢園今

則安厝有期儀制將舉朕偶從餘暇肆閱羣編因覽太祖實錄明載二陵所在又不指保州眷言夙宵未免疑惑况奉先之事垂世大猷務叶禮經所宜明允可令中書門下與樞密院詳定以聞二十三日中書門下樞密院上言伏以尊崇祖禰務極孝思營奉陵園必遵典制今者始基王業首舉徽章欲行四廟之儀尋建諸陵之號雖未崇於北域已備載於冊書向以攸司連上封疏述其忠款頗陳懇激之言詢及宰司亦有僉同之議恭惟聖慮務極精詳密詔詢求皆有依據矧重雍之肇啟當大孝之丕承咸秩無文動循故實特申迎護將展厝安而陛下覩信史之所標指瑩域而有異因垂中詔

俾極參詳敢抒群心上酬清問臣等共議其迎到神寢
向期卜葬即望權停所有二陵伏請量加營繕務從儉
省葬以衣冠設其園寢用伸朝拜之禮以致遵祖之懷
徐俟辯明續伸遷奉庶不違於古道且旁協於人情狂
瞽之言仰祈聖擇從之 二年正月十八日詔康陵定
陵宜令監繼宗罷修其迎到神樞遂以一品禮葬于河
南府河南縣為二位 二十七日太常禮院言每歲春
秋二仲遣官於西京白馬寺行獻奠之禮今準詔旨罷
修康定二陵其獻奠官宜停從之大中祥符四年正月
二十八日車駕幸汾陰次西京遣知制誥錢惟演詣一
品墳以香幣酒脯祭告仍詔俟朝拜諸陵日差官以少
宰致祭

全唐文

宋會要 禮安鎔王周茂

英宗治平元年五月二十八日宰臣韓琦等上言伏以
出於天性之謂親緣於人情之謂禮雖以義制事因時
適宜而親必主於恩禮不忘其本此古今不易之常道
也伏惟皇帝陛下奮乾之健乘離之明擁天地神靈之
休荷宗廟社稷之重即位以來仁施澤浹九族既睦萬
國交歡而濮安懿王德盛位隆宜有尊禮陛下受命先
帝躬承聖統顧以大義後其私親慎之重之事不輕發
臣等忝備宰弼實聞國論謂當考古約禮因宜稱情使
有以隆恩而廣愛庶幾上以彰孝治下以厚民風臣等

伏請下有司議濮安懿王及譙國太夫人王氏襄國太夫人韓氏仙遊縣君任氏合行典禮祥處其當以時施行詔須大祥後議之三年三月二十一日王世寧張徽言奉詔計度園廟據司天冬官正亢翼等言濮安懿王園四面地步窄狹形勢掩抱林木茂盛已乘王氣務貴安靜不可興作園之正南偏東丙地棘寨外有隙地土地肥厚水不衝注內取南北長六十四步一尺東西六十二步建廟三間二厦神門屋二座及齋院神厨靈星門以圖來上從之四月三日禮官言建廟合行祭告而宗樸喪服未除請權以本房諸第攝事其祭告濮安懿王及皇帝后土十二祇神祝文並令本宮教授修撰所

用香幣酒脯禮料等乞下河南府備辦太祝奉禮就差
永安縣尉主簿攝如闕官即差本府曹官職掌人等並
西京留司禮院差祇應今後凡祭告及四仲饗並依此
從之先是將修廟下學士院撰祭告祝文學士馮京言
本院未有體式乞下太常禮院議定始議祝文云皇帝
某謹遣官恭告于親濮安懿王既而以先詔俾王子孫
奉祀事遂議以本宮子弟自告而命教授修撰祝文十
九日提舉修廟所言廟室神門合用吻獸乞定其制禮
院言宜並用獸所安木主石埵於室中兩壁三分室之
一近南去地四尺開四埵室以石為之其中可容神主
跌櫃並從之九月四日詔奉安濮安懿王神主三獻內

亞獻命西京差通判一員終獻差朝臣一員攝自是多

知縣四仲廟享並如之知國令出仍命知制誥宋敏求

題神主及三夫人廟主于園以二十三日祔饗十八日

入內內侍省副都知石全育三旬勾當修造按王荀龍

言奉詔增修奉先院夫人任氏墳域乞詳定制度而禮

官言濮安懿王廟制用一品夫人任氏神主已祔廟其

墳域制度請從一品其興工祭告以本宮子弟行禮又

議任氏墳域所稱按前漢書悼惠王冢園在齊是諸侯

王皆得稱園濮安懿王已準先詔以登為園今夫人任

氏墳域稱園合於故事並從之十一月八日太常禮院

撰到饗禮儀注每遇四仲時饗預牒司天監選日闕報

本宮河南府排辦施行從之 神宗熙寧十年十一月
十四日宗室邕州觀察使宗暉權令奉祀濮安懿王神
主其往來祭饗盤纏等今後並依祿令例支給元豐二
年五月十三日詔中書曰濮安懿王先帝斟酌典禮即
園立廟詔王子孫歲時奉祀義叶恩稱後世無得議焉
今三夫人名位或未正瑩域或異處有司置而不講曷
足以彰明先帝甚盛之德仰承在天之志乎三夫人可
並稱曰王夫人命主司擇歲月遷祔濮園俾其子孫以
時奉主與王合食而致孝思焉初濮國公宗暉言父贈
濮王而母襄國太夫人韓氏墳猶用塋飾乞下有司議
增修鼎乞專隸王園廟歲時奉祀上批依所奏未下而

有是詔二十五日太常禮院言奉詔濮安懿王三夫人並稱曰王夫人按唐大中三年追尊順宗憲宗謚號禮官請別造神主及改題議者以果主升祔之後在禮無改造之文亦無重加尊謚改題神主之例以臣等所議當以新謚典冊告于陵廟正得其宜神主不改造不重題為得禮中書言改造改題並無所據酌情順理題則為宜況今士族之家通行此例又按乾德二年改謚明憲皇后曰昭憲皇后時命宗正少卿趙洙改題神主大中祥符六年改上元德皇太后徽名曰元德皇后升祔太宗皇帝廟室亦命左司諫知制誥路拯改題神主今恭詳三夫人神主欲依故事改題於禮意為允及司天

監選用元豐六年癸亥歲四仲月內擇日遷祔告從之遣
寶文閣學士陳薦改題神主十一月十一日詔濮安懿
王夫人遷葬濮園其令禮官議所以將奉禮儀以聞其
後太常禮院言請依令用一品鹵簿依晉國大長公主
故事用鼓吹從之仍詔啟蕝等禮止令宗暉祭告作哀
誌祝文初濮安懿王以譙國王氏合葬而襄國韓氏亦
前葬四墳其距濮園猶遠仙遊任氏乃葬京城東南繁
臺封奉先資福禪院之西偏故遷祔焉二十七日詔遷
祔濮安懿王二夫人給鹵簿全仗至國門外減半以翰
林學士章惇為遷護使入內東頭供奉幹當御藥院李
舜舉遷為護都監賜主奉祠事濮國公宗暉銀二千兩

絹二千足錢三千緡以給塋具十一日遷護使司請廣
濮安懿王園域作三穴以濮安懿王穴為尊穴任夫人
塋第二穴韓夫人塋第三穴詔濮安懿王墳域勿復廣
任夫人塋甲穴韓夫人外祔壬穴二十五日詔宗室正
任防禦使以上許從大行太皇太后靈駕已從濮安懿
王夫人者免從三年正月十八日翰林學士章惇言濮
安懿王二夫人哀誌未委依常用石蓋或用漆匣詔造
木漆匣量加裝釘又言導引儀仗內有挽歌人而無挽
詞乞令中書樞密院兩制侍從兩省館閣臺諫官各撰
挽詞二首從之上亦製詞四首付之惇又言王夫人改
塋濮國公宗暉字當服總若赴慶壽宮臨即服哀經詔宗

暉等更不赴慶壽宮臨二十四日詔濮安懿王二夫人
喪行贈祭如啟敢禮令暉宗主之二月十二日左諫議
大夫史館修撰安燾知審官東院為濮安懿王夫人改
護使以章惇除參知政事故改命燾四年七月二十四日係章正馮士
安等言乞於濮安懿王園東寅卯辰三位行鎮土之術

詳見永
厚陵

宋會要

濮安懿王國廟

英宗治平元年五月二十八日宰臣韓琦等上言伏以出於天性之謂親緣於人情之謂禮雖以義制事因時適宜而親必主於恩禮不忘其本此古今不易之常道也伏惟皇帝陛下奮乾之健乘離之明擁天地神靈之休荷宗廟社稷之重即位以來仁施澤浹九族既睦萬國交歡而濮安懿王成德位隆宜有尊禮陛下受命先帝恭承聖統顧以大義後其私親慎之重之事不輕發臣等忝備宰輔實聞國論謂當考古約禮因宜稱情使有以隆恩而廣愛庶幾上以彰孝治下以厚民風臣等伏請下有司議濮安懿王及繼國太夫人王氏美國太夫人韓氏仙遊君任氏合行典禮詳處其當以時施行詔頒大祥後議之二年四月九日乃詔禮官與兩制以上詳議翰林學士王珪等議曰謹案儀禮喪服為人後者傳曰何以三年也受重者必以尊服服之為所後者之祖父母妻妻之父母昆弟之子若子者言皆如親子也又為人後者為其父母傳曰何以期不二斬何以不二斬持重於大宗降其小宗也又為人後者為其昆弟傳曰何以大功也為人後者降其昆弟也以此觀之為人後者為子不敢復顧和親聖人制禮尊無二上若恭愛之心分於彼則不得專於此故也是以秦漢以

來帝王有自旁支入承大統者或推尊其父母以為帝后皆見非當時取議後
世臣等不敢引以為聖朝法況前代入繼者多官卑駕晏之後援立之策或出
臣下非如仁宗皇帝年齡未衰深惟宗廟之重天地之意於宗室衆多之中簡
推聖明授以大業陛下親為先帝之子然後繼體承祧先有天下朕安懿王雖
於陛下有天性之親顧復之恩然陛下所以負宸端先富有四海子子孫孫萬
世相承者先帝德也臣等竊以為漢安懿王宜準先朝封贈期親尊屬故事尊
以高官大國繼國襄國仙遊亦封大國太夫人考之今古為宜於於是中書
門下奏珪等所議未見詳定漢安懿王當稱何親名與不名珪等復議漢安懿
王於仁宗為兄於皇帝宜稱皇伯而不名如楚王涇王故事中書門下又言儀
禮令文及五服年月數出繼之子於所繼之生皆稱父母又漢宣帝光武皆稱
父為皇考今珪等議稱漢安懿王為皇伯於典禮未有明據請下尚書省集三
省御史台官議奏六月十三日詔復集議二十六日皇太子手書以議事語貴
執政且云如聞議論不一宜權罷議當令有司博求典故以聞禮官范鎮等
言漢之稱皇考稱帝稱皇主嚴廟序昭穆皆非陛下聖明之所法宜如前議
為便於是侍御史知雜事呂海博御史范純仁呂太防彈奏歐陽修首建
邪議韓琦曾公亮趙鼎傳會不正國諸如王珪等所議諫官傳亮俞等皆有

言三年正月二十二日內出皇太后手書曰吾聞群臣議請皇帝封崇漢安懿王至今未見施行吾再閱前史乃知自有故事漢安懿王燕國太夫人王氏燕國太夫人韓氏仙遊縣君任氏可令皇帝稱親仍尊漢安懿王為漢安懿皇王氏韓氏任氏並稱后事方施行而英宗即是日手詔曰稱親之禮謹遵慈訓追崇之典豈易克當且欲以瑩為園即園立廟俾王子孫主奉祠事翌日海等以所論列彈奏不見聽因繳納所度御史告牒家居待罪海等所列大抵以為前詔稱權罷集議後詔又稱且欲以瑩為園即追崇之意未已又海比與范純仁至中書執政言禁中商量非久施行觀今日太后手書乃知大臣之謀有素海等又言歐陽修與韓琦皆當遭誅以解天下疑謗命開門以告牒還之及令中書劄子趣使赴臺供職而海等繳還劄子并前後所奏文狀申中書堅辭星職至二月十四日帝閱海等奏問執政當如何韓琦對曰臣等忠邪唯陛下所知歐陽修曰御史以為理難並立臣等有罪即留御史若以臣等為無罪則取聖旨帝猶豫久之乃令出御史而曰不宜責之太重也於是誨落御史知雜事以尚書兵部員外郎知新州純仁以待御史通判安州大防落監察御史裏行以太常博士知歙州休寧縣

馬端臨曰先時宰相韓琦等奏請下有司議漢安懿王及燕國太夫人王燕國太夫人韓氏仙遊縣君任氏合行與北祐兩大拜

使議之至是進呈乃有是詔翰林學士王珪等相顧不敢先知陳院司馬光獨
奮筆立議畧曰為人後者為之子不敢復顧其私親秦漢以來有自旁支入承
大統雖尊其父母為帝后皆見非當時取謫後世不敢引以為聖嗣法臣以為
漢王宜尊以高官大爵稱皇伯而不名冒諱之議同王珪執文以光手筆為案
議上殿陽修以為自古無以所生父母改稱伯者珪等言非是中書奏孝宣先
武皆稱父為皇考太后周之手書詰責輔臣以不當諱稱皇考上詔中書集議
議論不一宜權罷議當令有司博求典故務令允宜判太常寺范鎮奏禮官上
言陛下既考仁宗又考漢王其議未當具列儀札及漢儒議論親明帝詔屬王
為奏之於是臺官自中丞皆黜以下各有奏知雜呂海亦言陛下入繼大統皆
先帝之德當從王珪等議為宜封漢安懿王大臣諸夫人與札稱是皆留中
不報司馬光又上言曰伏見西者治群臣議漢安懿王合行與札王珪等二十
餘人皆以為宜准先朝封贈期親尊高故事凡兩以會議無一人異辭而政府
之意独敬尊漢王為皇考巧飾詞說漢武聖祖政府言儀札本大五服年月狀
背云為人後者為其父母之服者不謂之父母不知如何主文此乃政府欺罔
天下之人謂其皆不識大理也又言漢宣帝先武皆稱其父為皇考臣等宣
帝承繼帝之後以孫祖故尊其父為皇考而不散尊其祖為皇祖者以顯昭

帝時得同也。名氏起市水沐王韓昌大石以傳天下名為中興其實創業維日
立七廟猶非太過況但稱皇考其祿猶其矣。今陛下親為仁宗之子以承大業
傳曰國無二君家無二尊若復尊濮王為皇考則置仁宗於何地乎。至是乃論
立濮王同廟以宗濮為濮國公奉濮王祀先是太后手書濮安懿王與國太夫
人王氏具因太夫人韓氏仙遊葬君任內可令皇帝稱親尊王為濮安懿皇建
國裏國仙遊並稱后上手詔曰稱親之礼謹遵其初迎崇之典皇易克為且數
以望焉。國即國主廟皇太后已賜命允仍改封宗隲傳濮王公著上言稱親之
礼乃漢大皇帝故事皇孫即宣帝所生父宣帝為昭帝后是以兄孫迎嗣祖統
無兩考之嫌故且稱親其後既立適不稱傳國今陛下以孝友能大統建五國
廟以王子承祀於濮王無絕父之義於仁宗無兩考之嫌可謂兼得其親字既
稱濮王且義理不安乞廢罷不報。三年正月五日詔濮安懿王子瀛州防禦
使故國公宗濮候服闋除節度觀察使留後改封濮國公以奉王祀是日中書
門下奏乞避濮安懿王名下一字詔恭依仍置國令一人以大使臣為之奉兵
二百人以奉國為額仍令河南府置相子戶五十人命帶御器械王世寧權三
司戶部判官張徽相度濮安國廟國奉土令太常礼院詳定廟饗儀式制度以
聞。三月十七日手詔曰朕近奉皇太后慈訓濮安懿王令朕稱親仍有追崇

之命朕惟漢史宣帝本生父稱親又謚曰悼裁置奉議皆應往義既有典故遂遵慈訓而不敢當追崇之典朕又以上承仁孝宗廟社稷之重義不得兼奉私親故但即國主廟俾王子孫世襲濮國自主祭祀遠嫌有別蓋欲為萬世法豈皆權宜之舉哉而臺官呂海等始者專執合稱皇伯追封大國之議朕以本生之親改稱皇伯歷考前世並無典故追封大國則又祀無加爵之重向自罷議之後而海等奏倖不已恣其未行乃引漢哀帝去恭皇定陶之號立廟京師干紀正統之事冒朝廷未嘗議及者厯加誣詆自此師丹意欲搖動人情銜感衆聽以至封還告敕擅不赴臺明繳留中之奏於中書錄傳訕上之文于都下累手詔之書海等則以稱親立廟皆為不當朕覽海等前疏亦云生育之恩祀宜追厚矣科禪既畢然後講求典禮崇本親今及以稱親為非前後之言自相抵牾雖以堯俞等不顧義礼更相唱和既撓權而特衆後歸國以取名朕姑務含容屈於明憲止命各以本官補外尚慮縉紳之間士民之衆不詳本末但惑傳聞歎釋羣疑理當申諭宜令中書門下俾御史臺出榜朝堂及進奏院遍牒告示庶和朕意二十一日王世寧飛徽言奉詔計度園廟據司天冬官正亢翼等言濮安懿王西四面地步窄狹形勢擁抱林木茂盛已乘王氣務貴安靜不可與作園之正南偏東丙地棘塞外有隙地土地肥厚水不衡注內取南北長

六十四步一尺水西六十二步建廟三間二厦神門屋二座及齋院神厨靈星門以圖木上後之 四月三日礼官言建廟合行祭告而宗濮喪服未除請推以本房諸弟攝事其祭告濮安懿王及黃帝后土十二祇神祝文並令本官教授修撰所用香幣酒脯礼料等乞下河南府備辦太祝奉祀就差永安縣尉主簿攝如祠官即差本府曹官職掌人等並令西京司礼院差祇應今後凡祭告及四仲祭並依此後之 先是將修廟下學士院撰祭告祝文學士馮京言本院未有體式乞下太常礼院議定始議祝文云皇帝某謹遣官恭告于親濮懿安王既而以先昭俾王子孫奉祠事遂議以本官子弟自告而命教授修撰祝文 十九日提舉修廟所言廟室神門合用鵠獸乞定其制礼院言宜並用獸所安木主石瑤於室中西壁三分室之一近南去地四尺開四瑤室以石為之其中可容神主跌牖並後之 九月四日詔奉安濮懿王神主三獻內亞獻命西京差通判一員終獻差朝臣一員攝自是多用永安和縣攝四仲廟祭並如之知因今出的神主仍命知制誥宋敏求款神主及三夫人廟主于圖以二十三日祔饗 十八日入內內侍省副都知石全育三司勾當修造葉王荀龍言奉詔增修奉先院夫人任氏墳域乞詳定制而礼官言濮安懿王廟制用品夫人任氏神主已祔廟其墳域制度請從一品其興工祭告以本官子弟行

禮又議任氏墳域所稱按前漢書悼惠王冢園在齊是諸侯王皆得稱園牒安
懿王已準先詔以塋為園今夫人任氏墳域稱園合於故事並從之 十一月
八日太常禮院撰到饗禮儀注每遇四仲時饗預脗司天監選日周報本宮河
南府排辦施行從之 神宗熙寧十年十一月十四日宗室邕州觀察使宗暉
權令奉祠濮安懿王神主其往來祭饗盤饗等今後並依祿令例支給 元豐
二年五月十三日詔中書曰濮安懿王先帝斟酌典禮即園主廟詔王子孫歲
時奉祀義叶恩祿後世無得議焉今三夫人名位或未正塋域或異處有司置
而不講曷足以彰明先帝甚盛之德仰承在天之志乎三夫人可並稱曰王夫
人命主司擇歲月遷附濮園俾其子孫以時奉主與王合食而致孝思焉初濮
因公宗暉言父贈濮王而母襄國太夫人韓氏墳猶用塋節之下有司議增修
魚乞專款王園廟時奉祀上批依所奏未下而有是詔 二十五日太常禮
院言奉詔濮安懿王三夫人並稱曰王夫人按唐大中三年追尊順宗憲宗禮
親禮官請制造神主及改題議者以果主升附之後在禮無改造之大亦無重
如尊議改題神主之例以臣等所藏當以新禮典冊告于陵廟正得其宜神主
不改造不重題為得礼中書言改造改題並無所據酌情順理則為宜況今
士族之家通行此例又按乾德二年改諡明憲皇后曰昭憲皇后時命宗正少

完俱應作六

郊趙沐改題神主大中祥符六年改上元德皇太后徽名曰元德皇后升祔太
宗皇帝廟室亦命左司諫知制誥路拯改題神主今恭詳三夫人神生欲依故
事改題於禮意為允及司天監選用元豐六年癸亥歲四仲月內擇日選祔告
從之遣寶文閣學士陳薦改題神主 十一月十一日詔濮安懿王夫人遷葬
濮園其令禮官議所以將奉禮儀以聞其後太常礼院言請依令用一品鹵簿
依晉國大長公主故事用鼓吹從之仍詔啟嚴寺礼止令宗暉祭告作哀誌祝
文 初濮安懿王以張國王氏合葬而襄國韓氏亦前葬西墳其距濮園猶遠
仙遊任氏乃葬京城東南紫臺村奉先資福禪院之西偏故遷祔焉 二十七
日詔遷祔濮安懿王二夫人祔鹵簿全仗至園門外減半以翰林學士章惇為
還護使入內東頭供奉幹當御藥院李舜舉為還護都監賜主奉祠事濮國公
宗暉銀二千兩絹二千匹錢三千緡以給葬具 十一日還護使司請廣濮安
懿王園域作三冗以濮安懿王冗為尊冗任夫人葬第二冗韓夫人葬第三冗
詔濮安懿三墳域勿復廣任夫人葬甲冗韓夫人外祔壬冗 二十五日詔宗
室正任防禦使以上許從大行太皇太后靈駕已後濮安懿王夫人者免後
三年正月十八日翰林學士章惇言濮安懿王二夫人宸德未委依常用石蓋
或用漆匣詔造木漆匣量加裝釘反言導引儀仗內挽歌人而無挽詞乞令中

書樞密院兩制侍後兩省館閣臺諫官各撰挽詞二首後之上亦製詞四首付之惇又言王夫人改葬濮國公宗暉等當服絕若赴慶壽宮臨即服裹經詔宗暉等更不赴慶壽宮臨二十四日詔濮安懿王二夫人喪行贈祭如姑蘇礼令宗暉主之宋史南渡後主奉祠事以嗣濮王為之因令一首以宗室為之祠

堂主皆兼國廟香火一員以武臣為之

二月十二日左陳誥大夫文館修撰

安懿知審官東院為濮安懿王夫人遷尸仗以章惇除參知政事故改命素

四年七月二十四日保章正馮士安等言乞於濮安懿王國東寅卯辰三位行

鎮土之衍詳見永厚定高宗紹興二年九月九日皇叔祖嗣濮王仲湜言濮

安懿王祠堂仲享及忌辰節序修設酌獻等全園祭祀乞每歲給度牒二十道

充仲享等費用詔令礼部每歲給降福建路度牒一十道四年十月三日權

知濮安懿王園陵士移言濮安懿王神主神貌見在澶州正當防秋之時乞從

便迎奉遷徙往穩便州郡推行安奉從之五年二月十五日嗣濮王仲湜言

昨被旨迎奉濮安懿王神主神貌至行在今已至紹興府欲推就本處安奉從

之十三年五月二十六日知太宗正事權主奉濮安懿王祠事士套言濮安

懿王四仲則享神主於永安軍國廟忌辰節序則追荐酌獻於睦親宅祠堂薦

生荐熟各中典礼昨因多事前嗣濮王仲湜自行在迎奉神貌神主權奏紹興府

光孝寺法堂奉安仲享追薦其獻官牲牢禮料並多簡畧乞令有司討論舊制
行下禮部太常寺令參酌欲令知大宗正事推主奉濮安懿王祠事士舍攝初
獻仍差士套男二人攝亞獻終獻如闕以本位姪男充攝其合用牲牢羊豕各
一蓬豆各十實設禮料并初獻合服八旒冕亞獻終獻合服四旒冕奉凡郎太
祝太官令服無旒冕並以舊制後事從之 二十六年二月二十三日嗣濮王
士儼言濮安懿王祠堂外無門牆內闕龕帳至於影像徒掛空壁而無供具望
下詔興府置造修奉從之 二十九年五月三日嗣濮王士暢言每歲四仲月
詣濮安懿王園廟祭享准令聽以子姪充亞獻終獻官雖有姪並係出官之人
欲將南班充亞獻官祀卽太宗正司及宮院看詳行在南班官係日奉朝請無
不時差充五享三獻行事難以差撥欲就差詔興府南班官充從之 孝宗隆
興元年三月七日嗣濮王士暢言竊見濮王神主龕室屋宇作嘗修造今涉八
年木植朽腐室壁已損無供具寢帳茵褥蕭條之屬日久浸乞下詔興府修造
祠宇重置供具茵褥等務使嚴整從之 乾道元年十一月十七日士暢言濮
安懿王園令士程恭奉神主神貌并被旨修造園廟龕室屋宇等躬督工役支
費既省又皆整嚴乞將兩次差充園令該過年月日每年對減磨勘其自轉官
後歷過年月仍乞通理收使於今官上特與轉行從之 四年三月十三日士

輅言濮安懿王祠堂在紹興府報恩光孝寺昨嘗得旨量行修葺至今十一年木植朽爛窓戶損壞當時在守隘窄設四位神座迫感其器用簡陋蕙懷之屬遂十四年並各破弊乞令紹興府差官檢計支降官錢修葺蓋置換後之五年九月十二日士輅言濮安懿王國令昨來陳乞推差士程令士程已差知西外宗正事待闕其國令職事乞令仍舊兼權闕到日罷後之七年十一月六日士輅言濮安懿王神主神貌每年四季仲祭差三獻官其亞獻終獻依格差子姪前係紹興府行司差南班官權充今行司已併歸行在宗正司其紹興府無南班官可差乞每遇四仲祭月就差本位子姪或紹興府見任寄居待闕宗室依長幼次序許牒本府遞時推差行事後之十二月十四日士輅言濮安懿王神主神貌合差國令一員見差士程推知士程見待知西外宗正事闕將及乞遣武安軍承宣使士石權知國令職事後之十八日戶部言大宗正司詳已降旨紹興府太宗正行司併歸行在其見任并已差下官屬並依省罷法其權知濮安懿王國令士程緣國廟見在紹興府乞令依舊本府居住請給於住總制錢內支後之紹興府前差濮安懿王在英宗皇帝時以差為國印國王廟俾王子孫世襲權國自主祭祀行之累朝紹興中以濮邸宗室有在遠未集行在者改父嗣王止以見在行高者為主今濮安懿王祠事久之乃復原嗣

王深固既阻絕廟祔湯曾格之天寧寺汪令為報恩光孝寺蓋以英宗初江有
主廟京師之戒故止湯會稽嘗時謀求亦詳失十三年王奉祠事有王士食清
即光孝之法堂為報而祠寺西隅南向為廟門如舊制置街巷注其書大官吏
出入鰥別門國令一人以僕邸諸王孫先兩腹王奉朝諸武以春秋來恭獻亦
循舊制也

全唐文

宋會要

秀安僖王園廟 紹興元年三月十三日詔秀王鼎封等典禮全禮部太常寺討論開奏 二十七日禮部太常寺言檢照治平三年正月五日中書門下首奏乞避漢安懿王名下一字今討論欲依前項典禮避秀安僖王各下一字詔恭依仍置園廟 四月六日詔皇伯太師安德軍節度使克萬壽觀使榮陽郡王伯圭除太保依前安德軍節度使克萬壽觀使嗣秀王以奉王祀是日內降制曰門下明德親族允為帝治之光緒世象賢撫若王封之貴有嘉伯父竄謂老成疾陞公保之班俾紹宗藩之裔飭宣制時播告朝紳皇伯太師安德軍節度使克萬壽觀使榮陽郡王食邑八千戶食_二實封_九貳千玖百戶伯圭秉德端良持身恭儉顯矣神明之冒邦然儒雅之風涵美不隕其名休風承于奕世因心則篤其慶曠方厚于慈侯爵齒寢尊崇處深著朕欽承大統中睦近支眷惟秀卿之追榮厥有濮園之故事考治平元豈已行之可法在乾道淳熙欲舉而未遑是用置兩宮之制以廣恩稽六經之類以訂禮建園立廟典既極于優隆裂土分茅寵宜延於似續肆命克家之懿顯修主祀之恭併踰論道之聯仍遂奉祠之

逸序高槐位南趨定著之嚴情洽華娛侍大安之燕陪加米邑增衍真舍
以榮屏翰之推以隆親賢之望茲為公道夫豈予私於戲與國咸修肅大
本根之庇嗣慶無急茲長源委之流勉迪令猷永綏多祉特授太保依前
安德軍節度使充萬壽觀使嗣秀王加食邑七百戶食實封三千戶 六
月十九日禮部太常寺言秀安僖王許置園廟檢照漢安懿王園廟圍令
宜一員就差兒男權攝并合差官相度園廟制度廟室神門宜並用獸所
安木主石端于室中西壁三分之一近南去地四尺開端室以石為之其
中可容神主跌遺今來秀安僖王及夫人神主欲乞並依上件典禮四件
饗廟三獻官并奉禮郎等係嗣秀王充初獻本後兒男攝亞終獻其奉禮
郎等乞湖州差官充攝行禮合用牲牢羊豕乞從本府行下湖州排辦祭
器祭服乞工部下文思院製造 祭服初獻八跪是亞獻終獻四跪是奉禮
初太祝太官令無旋見 每遇仲饗本府前期牒報湖州排辦所有行禮儀
注乞從太常寺參照漢安懿王儀注修定並從之其園廟差御帶霍漢臣
同湖州通判一員相度園奉 八月二十六日閣門宣贊舍人帶御器械
霍漢臣通判湖州未撰言奉詔相度園廟同天文官李師信相視得四面
地勢山巒奇秀形勢環抱林木茂盛已來王墓貴宜安跡不可興作今路

逐園之正北偏西土地大廣闊土厚草潤注積淵源水吉無衝其地可行
修製園廟即無國書並無妨礙以園未上役之 十月一日詔秀安僖王
園廟令湖州措置應辦委通判一員提督修造祠堂令臨安府管記如法
修蓋 十一月十日太保安德軍節度使允萬壽觀使嗣秀王伯圭奏結
封先世有合陳乞事 一照應秀安僖王園廟合差因令一員已降指揮
許依禮例辟差兒男雜攝臣有次男明州觀察使提舉佑神觀師揆乞並
充仍從例兼秀王位檢察尊長 一臣四仲月合詣秀安僖王園廟祭饗
并亞終獻官並乞從嗣濮王士敬已得指揮往回免見辭 一照應秀安
僖王園廟係在湖州管下青山去城不遠緣臣舊居及有諸孫皆在湖州
居住逼近城亦別有墳塋乞遇仲饗許臣因便暫歸湖州照管 一本身
合幫請受并幹辦使臣宣借人等請給乞從節次已降指揮仍舊于湖州
經總制錢四夫破並役之 二十一日禮工部太常寺言秀安僖王園廟
湖州申乞擬定祿制建造檢照漢安懿王園廟三間二廈神門屋二座齋
院神厨櫺星門欽令照應建造役之既而嗣秀王伯圭奏伏覩朝廷降下
圖本式樣神門前後獨屋兩座並無廊廡竊恐將來祭享或雨水難以往
來行事乞減去神門一座却于廟屋東西各添廊屋與神門相接所有齋

館神厨亦乞於廟之兩邊隨宜蓋造庶幾民便禮工部太常寺勘當從本
官所請又檢照國朝會要廟室神門合用吻獸今未繳到圖本內廟內吻
依典故並合用獸蓋從之二十四日太常寺言臨安府申畫到秀安僖
王祠堂樞星門一座戟門祠堂後堂各三間後堂扶廡八間戟門扶廡八
門歇泊二位各三間兩廊二十六間庫屋廄房從人廡一十五間欽照應
造作從之十二月二十三日明州觀察使提舉佑神觀龔允秀安僖王
園令龔秀王位檢察尊長師撥奏差臣龔允秀安僖王園全係在湖州置
司今有合行陳乞臣恭遇兩宮聖節欲乞赴闕隨班上壽及遇大禮令臣
陪祀父嗣秀王伯圭見奉朝請乞許時復往來看侍本身請給優貲給
公使生日支賜等乞割下湖州於經制錢內支給從之三年正月一
日皇伯太保安德軍節度使判大宗正事嗣秀王伯圭奏建造秀安僖王
園廟近已畢工所有修製神主儀式令所司檢照典故修製委官題寫詔
差權禮部尚書李獻題寫二月十四日伯圭又奏秀安僖王祠堂園廟
乞送濮安懿王例每三年一次從本所移牒所屬州府檢計修造從之